

仍著亂花飛

春水短吟

雪消水泮淅盈溝翡翠鴛鴦得志秋長恨遠
山遮不斷又疑別浦去難留遠堤楊柳輕輕
拂近岸新蒲細細抽滿眼煙波杳無際三吳
特地送孤舟

清風短吟

清風興况未全衰豈謂天心便棄遺長具齋
莊綠讀易每慙疎散為吟詩人間好景皆輸
眼世上閑愁不到眉生長太平無事日又還
身老太平時

暮春寄李審言龍圖

年年長是怕春深每到春深病不任傷酒情
懷因小會養花天氣為輕陰歲華易革向來
事節物難迴老去心唯有前軒堪靜坐臨風
想望舊知音

初夏閑吟

綠楊深處轉流鶯鶯語猶能喜太平人享永
年非不幸天生珍物豈無情牡丹謝後紫櫻
熟芍藥開時班笋生林下一般閑富貴何當

更肯讓公卿

代書答開封府推官姚輔周郎中

世態其如與願違必須言進是無知逸將底
事閑思處不若西街極論時設有奇才能動
世柰何雙鬢已如絲天邊新月從來細不為
人間愛畫眉

來書云願先生自愛
恐不容久居林下矣

伊川擊壤集卷之六

正一天師清微弟子 洪百堅 製作
道教學術資訊網

伊川擊壤集卷之七

伊川邵雍先生

代書寄濠州張都官

多慙吾亦未知音天樂雖聞不許尋惠子相
時情自好莊生遊處意能深聞來略記一春
事老去難忘千里心洛社交朋每相見為吾
因掉白頭吟

詔三下答鄉人不起之意

生平不作皺眉事天下應無切齒人斷送落
花安用雨裝添舊物豈須春幸逢堯舜為真
主且放棄由作外臣六十病夫宜揣分監司
無用苦開陳

和王安之少卿韻

却恐鄉人未甚知相知深後又何疑貧時與
祿是可受老後得官難更為自有林泉安素
志况無才業動丹墀荀楊若守吾儒分免被
韓文議小疵

依韻和劉賦方見贈

造物工夫意自深從吾所樂是山林少因多
病不干祿老為無才難動心花月靜時行水

際惠風香處卧松陰開窓一覺從容睡願當封侯與賜金

代書謝王勝之學士寄萊石茶酒器

東山有石若瓊玖匠者追琢可成酒君子得之惜不用慙慙遠寄林下叟林叟從來用瓦

蓋驚惶不敢擊上手重誠兒童無損傷絨藏復以待賢友未知賢友何時歸男子功名未成就朝廷先從憂者言方今莫如二虜醜漢之六郡限遼西唐之八州隔山後自餘甘沙甘與涼中原久而不能奈何更餌以金帛重困吾民猶掣肘若非堂上出奇兵安得開外拉餘朽直可逐去此腥羶西出玉門北逾口城下狐狸既不存路上豺狼自無走太陽烜赫耀天衢氛妖接變匿塵垢功成不肯受上賞印解黃金大于斗乞洛辭君出國門歸鞍暖拂天街柳千官如壁遮道留仰面弄鞭不回首鄉人夾路迎大尹醉擁旌幢錦光溜下車拜墓還政餘不訪公門訪親舊始知此器用有時吾當為君獻眉壽

崇德閣下答諸公不語禪

浩浩長空走日輪何煩苦苦辨根塵鵬程萬里非由駕鶴筭三千別有春鉛錫點金終屬似丹青畫馬妄求真請觀風急天寒夜誰是當門定脚人

天宮小閣倚欄

六尺殘軀病復羸况堪日日更添衰滿懷可惜精明處一語未能分付時沙裏有金然索揀石中韞玉奈何疑此情牢落西風暮倚過欄干人不知

代書寄華山雲臺觀武道士

太華中峯五千仞下有大道人往還當時馬上一迴首十載夢魂猶過關生平愛山山未足由此看盡天下山求如華山是難得使人消得一坐閑

代書寄長安幕張文通

無學又無謀肯中一向虛枯腸忻飲酒病眼怕看書洛浦輕風裏天津小兩餘故人千里隔相望意何如

和人閩韓魏公出鎮永興過洛

佐命三朝為太宰名垂千古號元功栽培桃

李滿天下出入風濤半海中虎帳夜寒心益壯風池波暖位猶空君王鼎盛子儀在萬里河湟不足攻

代書寄白波張景真輩運

秋入山河氣象雄不堪闕望老年中金蘭契重思無限手足情多感未終半局殘碁消白畫一簪華髮亂西風唯君父子相知久松桂心同色更同

代書寄鄞江知縣張太傅

長憶當年掃弊廬弟兄同受策名初一生不記尋常事千里猶通咫尺書風月遙知四明好江山况是九秋餘片帆未得閑飛去徒見嚴君問起居

先幾吟

先幾能識是吾儕慎勿輕為世俗哈把似眾中呈醜拙爭如靜裏且談諧奇花萬狀皆輸眼明月一輪長入懷似此光陰豈虛過也知快活作人來

秋暮西軒

遠欄種菊一齊芳戶牖軒窓總是香得意不

能無興詠樂時况復過豐穰深秋景物隨宜
好向老筋骸粗且康飲罷何妨更登眺爛霞
堆裏有斜陽

天津閩步

洛陽城裏任西東二十年來放盡慵故舊人
多時款曲京都國大體雍容池平有類江湖
上林靜或如山谷中不必奇功蓋天下閑居
之樂自無窮

寄和長安張強二機宜

二公詩美過連城欲報才非爾正平本謂柏
舟終不過却驚華衣重為榮岷峨雨後方知
峭風月霜餘始見清前有古人稱家和陽春
白雪豈虛名

代書答淮南憲張司封

緣木求魚固不能緣魚求炙恐能行與其病
後求良藥不若醉時解大饒芝草無根休用
種蟠桃有實豈難生荷君見愛情非淺一芥
還同一芥榮

偶得吟

集大成人不肯模却行何異棄金車便言天

下無難事豈信人間有丈夫天意順時為善
計人情安處是良圖天人之際只些子過此
還同隔五湖

代書寄友人

一別光陰二紀餘歲華如箭止堪吁東西契
闊久經難前後慙慙兩得書故國山川皆夢
寐舊家人物半丘墟何時重講當時事笑對
西風坼酒壺

風吹木葉吟無字三年

風吹木葉不吹根慎勿將根苦自陳天子舊
都閑好住聖人餘事冗休論長年國裏神仙
侶安樂窩中富貴人萬水千山行已適歸來
認得自家身

閑行吟

長憶當年掃弊廬未嘗三徑草荒蕪欲為天
下屠龍手肯讀人間非聖書否泰悟來知進
退乾坤見了識親疎自從會得環中意閑氣
宵中一點無

投吳走越覓青天殊不知天在眼前開眼見
時猶有病舉頭尋處更無緣顏淵正在如愚

日孟子方當不動年安得功夫遊實肆愛人
珠貝重憂錢

買卜猜疑是買疑病深何藥可能醫夢中說
夢重重妄牀上安牀疊疊非列子御風徒本
猶有待夸夫逐日豈無疲勞多未有收功處

踏盡人間閑路岐

對花飲

人言物外有煙霞物外煙霞豈足誇若用較
量為樂事但無憂挽是仙家百年光景留難
住十日芳菲去莫遮對酒有花非負酒對花
無酒是虧花

春盡後園閑步

綠樹成陰日黃鶯對語時小渠初漱澗新竹
正參差倚杖閑吟久攜童引步遲好風知我
意故故向人吹

代書寄兵傳正寺丞

敦篤情懷世所稀昔年今日事難追雪霜未
始寒無甚松桂何嘗色暫移洛邑士人雖我
信天津風月只君知夢魂不悟東都遠依舊
過從似舊時

洛下園池

洛下園池不閉門，洞天休用別尋春。縱遊只却輪閣客，適入何嘗問主人。更小亭欄花自好，儘荒臺榭景纔真。虛名誤了無涯事，未必虛名總到身。

夢過城東謁洛陽尉楊應之

夜來清夢過城東，溪水分流徑路通。全似乘查上天漢，但無嚴子驗行蹤。

代書寄前洛陽簿陸剛叔秘校

洛城官滿振衣裾，塵土何由洗遠途。道在幸逢清日月，眼明應見舊江湖。知行知止唯賢者，能屈能伸是丈夫。歸去何妨趁殘水，三吳還似嚮時無。

答人乞碧蘆

草有可嘉者，莫將蕭艾儔。扶疎全類竹，蒼翠特宜秋。風雨聲初入，江湖思莫收。無功濟天下，藉此一淹留。

道遠吟

吾道本來平，人多不肯行。得心無厚味，失脚有深坑。若未通天地，焉能了死生。向其間一

事須是自誠明

人生憂不足，足外更何求。吾生雖未足，亦也却無憂。天和將酒養，真樂用詩勾。不信年光會，僅人早白頭。

夜入安樂富，晨興飲太和。窮神知道泰，養素得天多。日月任推盪，山川徒琢磨。欲求為此者，到了是誰何。

偶得吟

何事感人深，求之無處尋。兩儀長在手，萬化不關心。石裏時藏玉，砂中屢得金。分明難理會，須索入沉吟。

偶得吟

相去一毛間，千山復萬山。雖能忘寢食，未肯去機關。不是責人備，奈何開口難。天心况非遠，既遠遂無還。

每度過東隣

每度過東隣，東隣愈覺慙。既來長自愧，相見只如親。飲食皆隨好，兒童亦自忻。吾鄉有是樂，何必更求仁。

每度過東街

每度過東街，東街怨暮來。只知閑說話，那覺

太開懷。我有千般樂，人無一點猜。半醺歡喜酒，未晚未成迴。

君子與人交

君子與人交，未始無驚惕。小人與人交，未始無差忒。此真喜歡也，宜重愛惜。他年雲水跡，亦恐難尋覓。

唯天有二氣

唯天有二氣，一陰而一陽。陰差產蛇蝎，陽和生鸞鳳。安得蛇蝎死，不為人之殃。安得鸞鳳生長為國之祥。

無客迴天意

無客迴天意，有人資盜糧。日中屢見斗，六月時降霜。有書不暇讀，有食不暇嘗。食既不盈，書空堆滿牀。

放小魚

惡死而好生，古今之常情。人心可生事，天下自無兵。草木尚威若，山川豈不寧。胡為無擊壤，飲酒樂昇平。

放小魚

纖鮮不足留，此失一生休。放爾江湖去，寬渠鼎鑊遊。更宜深避網，慎勿慢吞鈎。天下多庖

者無今落庶羞

依韻和田大卿見贈

日日步家園清風不著錢城中得野景竹下
弄飛泉自顧無嗟若何妨養浩然却慙天下
士語道未忘筌

乞筍竹

浴人好種花唯我好種竹所好雖不同其心
亦自足花止十日紅竹能經歲綠俱霑雨露
恩獨無霜雪辱

依韻和王不疑少卿招飲

○ 經難憶浮丘吾卿足勝遊風前驚白髮兩後
喜新秋仕宦情雖薄登臨興未休人間浪憂
事都不到心頭

再和王不疑少卿見贈

乍涼天氣好何處不堪遊鴻鴈來賓日鷹鷂
得志秋忘形終夕樂失脚一生休多少江湖
上舟船未到頭

依韻和三王少卿同過弊廬

洛中詩有社馬上句如神白首交情重黃花
節物新見過心可荷和愧道非淳寂寞西風

裏身聞半古人

代書寄南陽太守呂獻可諫議

一別星霜二紀中升沉音問不相通林間談
笑須歸我天下安危宜繫公萬乘几前常蹇
誇百花洲上略從容不知月白風清夜能憶

伊川舊釣翁

寄吳傳正寺丞

天津風月一何孤似我經秋相憶無每仗晴
波寄聲去不知曾得到東都

寄前洛陽簿陸剛叔秘校

洛陽官滿歸吳會男子雄圖志未伸若到江
山最佳處舉盃無惜望天津

依韻和淮南憲張司封

庭梧葉半黃籬菊初受霜向晚意不快把酒
西南望望君不見君但見鴻南翔正欲思

寄書自成書數行

重陽前一日作

近來多病不堪言長欲醺醺帶醉眠新酒乍
逢重九日好花初接小春天自知命薄臨頭
上不願事多來眼前唯有天津橫落照水聲

仍是舊潺湲

重九日登石閣三首

人情見了多世態語來久事過憂空勝物傷
防禦肘水濁更澄濾水塵須抖擻必欲論主
衡何人為好手

事出一時間時過事莫還當特深可愛過後
不堪看夏去休言暑冬來始講寒人能知此
理憂患自難干

今歲重陽日凭欄氣候遲雲煙雖已淡林木
未全衰天地開懷處山川快眼時攔干空倚
過此意有誰知

依韻答友人

百萬緹緇動塞塵朝廷委寄不輕人胡兒生
事雖然淡國士盡忠須是純隴上悲歌應憤
悅林間酣飲但酸辛欲陳一句好言語只恐
相知未甚真

偶見吟

富貴多微人人情有時移道德不做人人情
久益歸道德有常理富貴無定期蒿萊霜至
萎松柏雪更滋

世人多附炎歆人自去君子善處約久
情自固炎歆勢不迴情固人不去路人或如
親親人却如路

心跡貴相親相親善惡分世間須有物天下
豈無人既見薰蕕具當思玉石焚如何得時
態長似洛陽春

無題吟

昔日不鍊物嘗為物所誤今日不鍊人又為
人所怒物誤亦可辯人怒難往訴我對人辨
過人亦為我怒

無酒吟

自從新法行嘗苦罇無酒每有賓朋至盡日
閑相守必欲丐于人交親自無有必欲典衣
買焉能得長久

讀陶淵明歸去來

歸去來兮任我真事雖成往意能新何嘗不
過如斯世其那難逢似此人近暮持嗟時賢
賢向榮還喜木欣欣可憐六百餘年外復有
閑人繼後塵

伊川擊壤集卷之七

疑七

十二

伊川擊壤集卷之八

疑八

伊川 邵 雍先夫

訪南園張氏昆仲因而留宿
中秋天氣隨宜好來訪南園會隱家
飲不知歸去晚水精宮裏宿煙霞

和王安之少卿同遊龍門

生平有癖好尋幽一歲龍山四五遊或往或
還都不計蓋無榮利可稽留
數朝從款看伊流夜卜香山宿石樓會有涼
風開遠意更和煙雨弄高秋

歸城中再用前韻

乘興龍山訪盡幽恰如人在畫圖遊恨無美
酒酬佳景正欲留時不得留
又一首

初秋微雨造輕寒倚過東岑閣上欄不謂是

時煙靄裏松齋人作畫圖看

松齋安之弟所居在水西

和人留題張相公庵

做了三公更引年人間福德合居先結茅未
盡忘君處正在高高萬歲前

代書寄程正叔

嚴親出守劔門西色養歡深世表儀唐相規
模今歷歷蜀民遊樂舊熙熙海棠洲畔停梳
處金鴈橋邊立馬時料得預憂天下計不忘
君者更為誰

歲暮自貽

當年志意欲橫秋今日思之重可羞事到強
圖皆屑屑道非真得盡悠悠靜中照物精難
隱老後看書味轉優談塵從容對賓客薦章
重疊誤公侯已蒙賢傑開青眼不顧妻孥怨
白頭谷口鄭真焉敢望詩陵餘子若為謀鼎
間龍虎忘看守基上山河廢講求一枕晴窗
睡初覺數聲幽鳥語方休林泉好處將詩買
風月佳時用酒酬三百六旬如去箭肯教橫
抱落闌愁

歡喜吟

熙寧四年

行年六十一筋骸未甚老已為兩世人便化
豈為大况且粗康強又復無憂撓如何不喜
歡佳辰自不少

寄李景真太博

花前靜榻闌眠處竹下明窓獨坐時著甚語